

第六三一冊

理學彙編

文學典

文學名家列傳

(卷)
一三二四

古今圖書集成

中華書局影印



古今圖書集成

卷一百一十五

欽定古今圖書集成理學彙編文學典

第一百三卷目錄

文學名家列傳九十一

明十三

田汝成

邵寶

岳岱

郎瑛

夏子陽

王元正

顧清

陳文學

魯鐸

楊易

謝丰

童品

俞琳

張琦

敖英

謝承舉

王漸達

王詭

貢汝成

王磐

張綬

王汝霖

黃如籥

皇甫湜

王問

顧元慶

楊廉

韓邦靖

南大吉

王潼

桂榮

施侃

楊晉亨

吳中立

許成名

吳惠

朱睦㮮

景暘

沈仕

倫以訓

貢欽

宋訥

陳鐸

吳景奎

馬江

宋佳



夏鍬

俞集

孫大晟

林炫

傅汝舟

楊希淳

汪衢

周錫

梁鳴鑾

顧曦

張武

謝九成

湯珍

龍映

施漸

薛蕙

相世芳

吳檄

袁崇冕

田汝林

孟洋

楊穀

沈弘道

董瀚

陳叔紹

高徽

傅汝梅

沈朝陽

吳中英

章美中

陸治

戚紹

黃標

黃道月

嚴鐸

陸采

方元煥

蔣山卿

汪必東

徐霖

左國瓊

王廷相

羅燾

樊鵬

文學典第一百三卷

文學名家列傳九十一

明十三

田汝成

按明外史本傳汝成字叔禾錢塘人嘉靖五年進士授南京刑部主事尋召改禮部十年十二月上言陛下以青宮久虛祈天建醮復普放生之仁凡羈蹄鍛鬬禁在上林者咸獲縱釋顧使囹圄之徒久纏徽纆衣冠之侶流竄窮荒父子長離魂魄未喪此獨非陛下之赤子乎望大廣皇仁悉加寬宥有忤旨切責停俸二月屢遷祠祭郎中廣東僉事謫知滁州復擢貴州僉事改廣西右叅議分守右江龍州土酋趙楷憑祥州土酋李寰皆弑主自立與副使翁萬達密討誅之努灘賊侯公丁爲亂斷藤峽羣賊與相應汝成復偕萬達設策誘擒公丁而進兵計峽賊大破之又與萬達建善後七事一方遂靖有銀幣之賜洎右江數年頻有兵事皆萬達尸謀而汝成贊決之其績甚著尋遷福建提學副使歲當大比預定諸生甲乙比榜發一如所定汝成博學工古文尤善敘述歷官西南諳曉先朝遺事撰炎微紀聞歸田後盤桓湖山窮游浙西諸名勝撰西湖游覽志並見稱於時他所論著甚多時推其博洽子藝衡字子菡十歲從父過采石賦詩有警句性放誕不羈嗜酒任俠以歲貢生爲徽州訓導罷歸作詩有才調爲人所稱

按列朝詩集藝衡字子菡錢塘人學憲叔禾之子也十歲從其父過采石賦詩云白玉樓成招太白青山相對憶青蓮寥寥采石江頭月曾照仙人宮錦船性

放曠不羈好酒任俠善爲南曲小令晚歲以貢爲新安博士罷歸常衣絳衣挾二鬟遊湖上逢好友則令小鬟進酒促膝談謔時挾內人遍遊諸山偶日暮不得中車覓得一驢與內人共跨入城有留青日札在小說家

皇甫湜

按明外史本傳湜字子安長洲人父錄弘治九年進士任重慶知府生四子冲湜沆湜冲沆同登嘉靖七年鄉薦明年沆第進士又三年湜第進士又十三年湜亦第進士而冲尚爲舉子兄弟並好學工詩稱皇甫四傑冲字子浚善騎射好談兵遇南北內訌譟幾策兵統枕戈襍言三書凡數十萬言湜初授工部主事改禮部歷儀制員外郎主客郎中在儀制時夏言爲尚書連疏請建儲皆湜起草故言深知湜才比簡官僚遂用爲春坊司直兼翰林檢討言者論湜改官有私謫廣平通判量移南京刑部主事進員外郎遷浙江僉事大計京官以南曹事論罷邑邑發病卒湜沈靜寡與自負高峻稍不當意終日相對無一言居官砥廉隅然頗操切多忤物故數被譏謗云沆字子循七歲能詩官工部主事名動公卿沾沾自喜用是貶秩爲黃州推官屢遷南京稽勳郎中再貶開州同知量移處州府同知擢雲南僉事以計典論黜沆和易近聲色好快游不能通知戶外事於兄弟中最老壽年八十乃卒湜字子約初授工部主事母喪除起故官典惜薪廠賈人僞增數罔利湜杖而按其罪其女乃尚書文明妾明名湜切責之湜抗言曰公掌邦政縱姦人干紀又欲奪郎官法守耶明爲斂容謝大

計謫河南布政司理問終興化同知湜兄弟與黃魯曾省會爲中表兄弟文藻亦相似其後里人張鳳翼燕翼獻翼並負才名吳人語曰前有四皇后有三張鳳翼燕翼終舉人而獻翼爲太學生名日益高年老矣狂甚爲讎家所殺

按列朝詩集冲字子浚長洲人順慶太守錄之子也錄舉弘治癸丑進士以博雅稱子浚登嘉靖戊子鄉薦而三弟曰湜字子安沆字子循湜字子約皆舉進士子安先卒子循子約宦不達而子浚猶上公車贈蹕二十餘年而卒庚戌下第有還山詩一卷壬子遊虞山有紀遊詩一卷自爲之序詞致甚美全集凡六十卷子浚博綜羣籍留心世務爲人甚口好劇談宿學爲折角莫能難又好騎射通挾丸擊毬音樂博奕之戲吳中文字士與輕俠少年咸推爲渠帥武宗卽位正法凌遲撰緒言及申法事駕南征撰己庚小志大同之變撰幾策幼好談兵憤北虜薄城下撰兵統海寇突起當事無策撰枕戈雜言凡數十萬言今其全集皆不傳於世金陵張文寺曰四甫之才子浚爲冠亦闡幽之論也

按列朝詩集湜字子安順慶之第二子也嘉靖壬辰進士除工部虞衡主事尋改主客累遷主客郎中自虞衡至主客凡歷四署所在職辦在儀制時貴溪爲宗伯請建儲表凡十上皆子安起草貴溪用是當世廟意得超拜會置東朝官屬貴溪首推子安遂補右春坊司直兼翰林檢討車駕幸天子安以禮曹扈從會改官不果行忌者乘間論劾左遷廣平府通判量移南刑部主事進員外陞浙江按察僉事甫三月

坐南計論黜未及赴調鬱鬱不樂發病卒年四十九子安自負高峻與人居非同調或竟日不發言居官操切既多忤物又稍稍與時厓異故宦屢蹶不達其卒也蔡子木爲詩哭之云五字沉吟詩品絕一官憔悴世塗難每爲人誦之輒嗚咽流涕子浚集其所作爲少元集而子循序之曰方其家食含章與中表黃魯曾省會洞庭徐縉稱詩篤好少陵既而李何篇出病其蹊徑專意建安嘗曰詩可無用少陵也解巾登仕與蔡王二行人廣搜六代之詩披味航說雅許昌穀乃曰詩可無用近體也又與王文部李司封唐陳二編修劇談開元天寶之盛而心醉焉乃曰詩雖選體亦無使盡闕唐風七言易弱恐格錢劉也故其詩特工五言而七言今體薄不加想魯曾之子河水評其詩云司直含咀八代苦心覃思每製一篇必經百慮既薄杜陵之史心醉殷璠之鑒蓋東覽優於諸集而五言長於七言斯定評也余觀國初以來中吳文學歷有源流自黃勉之兄弟心折於北地降志以從之而吳中始有北學甫氏黃氏中表兄弟也子安雖天才駿發而耳目濡染不免浸淫時學子循之序所謂篤好少陵者非好少陵也好北地師承之少陵也已游於蔡王而軌躅始分既游於唐陳而質的始定於是一意唐風而盡棄黃氏之舊學矣子循之所謂無用少陵者非薄少陵也薄北地剽擬之少陵也子安刻迪功外集皆昌穀未遇空同之作深非李子守化之言以爲知之未盡厥有旨哉子循之自序與子安亦略相似子安少折於李何子循長壓於王李文章之道不惟以時代上下抑亦以聲勢盛衰哀可

慨也自王元美藝苑卮言記吳中盛事謂太原兄弟並擅菁華汝南父子嗣振騷雅至今海內流爲美談而中表因依研席應求文章問學風氣密移非深思論世置身於百年以前未能或知也余故詳著之以表微焉

按列朝詩集訪字子循順慶之第三子嘉靖己丑進士歷工部虞衡司郎中謫黃州推官召入爲南京吏部稽勳郎中又謫開州同知量移處州府同知陞雲南按察司僉事以大計免官年八十乃卒子循七歲能詩順慶課之輒得奇句舉進士名動公卿分宜南海諸公皆引與酬和冠蓋歛集其門成市子循頗沾沾自喜竟用是左官丁憂里居御史王言按吳頗專橫民間爲之謠疑其出子循也捕繫欲殺之亡命得解罷官後復爲陳御史所窘破其家其爲人和易不修邊幅近聲色好狎遊而不能通知戶外事以故數困然信心而行不爲深中多數以文章游讎自娛行游湖山之間擷芳采和以老壽終其天年近代文士所罕見也子循少與伯仲氏及中表二黃稱詩掉鞅詞苑五十餘年其在燕中則有高叔嗣王慎中唐順之陳束在留署則有蔡汝楠許穀王廷幹施峻侯一元中山徐京再赴闕下則有謝榛李攀龍王世貞而謫楚則交王廷陳遷滇則交楊慎咸相與上下其議論疏通其聲律其自叙以爲本之二京參之列國江左關洛燕齊楚蜀之音無所不備變亦盡矣心良苦矣司直司勳甫氏競爽學問源流約略相似始而宗師少陵懲折洗之弊則思追溯魏晉既而含咀六朝苦雕績之窮則又旁搜李唐當弘正之後暢迪功之

流風矯北地之結習二甫之於吾吳可謂傑然者矣司直早世司勳窮老皆不能與弇州爭名子循自評其詩以謂吾與我周旋久自成一家人尚不肯學步少陵而不能不假靈於王李元美之評子循謂其今體風調頗似錢劉文學六朝時時失步子循著解頗新語於時賢都無評焉未知其評元美何如也

按列朝詩集濂字子約一字道隆嘉靖甲辰進士工部都水主事監新廠買人子納女於司空依倚爲姦利子約按其罪不少貴司空心銜之權關荊州已得代按前事內計謫河南布政司理問稍遷興化府同知丙辰入覲投劾不起里居數年間居散齋不通賓客少學琴於雲間張氏晚更精詣撰述之暇鼓琴一二行謂足翫世遺榮也歟心釋氏嘗棲息精廬從名僧檢經說難繼大乘法華內典持誦維摩詰品作妙伽它讚習吐納延化術得黃帝房中祕方謂可登真度世以交接致病遽卒有水部集二十卷黃德水曰水部詩意元詞雅律細調清長於造景務在幽絕山藏水闕披露良多孫七政曰水部詩清瘦罕儷其志意亦復元曠故其文乃爾悼子兩篇令人拊心痛絕

按蘇州府志皇甫錄字世庸長洲人弘治丙辰進士在儀部會逆瑾用事錄動舉成法制之迨守順慶賊衆蹂踐諸郡縣而順慶獨完子曰冲曰淳曰汭曰濂爲四傑冲字子浚嘉靖戊子與弟淳同鄉薦顧獨艱一第爲詩立就多作元嘉以來語文亦類齊梁間淳字子安嘉靖壬辰進士授工部主事改禮部以文學吏事爲當道所知會選官僚遂用爲春坊司直而忌者媒孽之左遷廣平府通判逾年陞南京刑部主事

進員外郎陞浙江僉事分巡紹台諸郡竟坐南蔡罷歸待次里中鬱鬱而卒淳於兄弟中能飭廉隅而自矜重負氣不肯下人故官屢躋蹇嘉元晏先生自號少元子汭字子循己丑進士授國子博士出知曲州尋擢工部主事爲武定侯郭勛所訴下獄尋得免謫黃州府推官遷南京工部主事改爲吏部稽勳司會大計考功郎將中淳汭庭辯爲言官所糾並被謫尋以內艱歸爲王御史所訐疏辯下京兆鞠久之始白補開州判官遷處州同知再遷雲南僉事被論歸復爲郡守所窘破其家汭性易和爲詩文沾沾自喜終日編詠不復知戶外事亦不能檢押賦獲以故數困然信心而行以文自娛於諸兄弟中獨壽考年八十乃卒其詩五言律最工七言次之有錢劉風調文法六朝有緒論諸書濂字子約嘉靖甲辰進士授工部主事權木荊州與前視權者許坐謫河南布政理問遷興化同知代人覲即投劾不起家居好養生家言省撰述惟詩不廢間臨晉唐人帖圖花竹木石皆臻佳境卒年五十七

邵寶

按列朝詩集寶字國賢無錫人成化二十年進士知許州入戶部歷郎中出爲副使以副都御史總漕江北再起巡撫貴州陞戶部侍郎請養母歸陞南禮部尚書再請終養母喪闋請致仕不允卒諡文莊公舉南畿受知於西涯及爲戶部郎始受業西涯之門西涯以衣鉢門生期之越三十年以待郎予告西涯作信難一篇以貽之以歐公之知子瞻及子瞻之服歐公者爲比蓋西涯之絕筆也西涯既沒李何之焰大

張而公獨守其師法確然而不變蓋公之信西涯與其所自信者深矣竟陵鍾伯敬嘗語予曰空同出天下無真詩真詩惟邵二泉耳余與孟陽亟賞其言

王問 盤

按明外史本傳問字子裕無錫人受業同縣邵寶以學行稱嘉靖十七年成進士授戶部主事監徐州倉減羨耗十二以父老乞便養改南京職方遷車駕郎中廣東僉事性至孝行未半道乞養歸父卒遂不復仕築室湖上讀書二十年不履城市數被薦不起

工詩文旁及書畫清修雅尚士大夫皆慕之卒年八十門人私謚曰文靜先生子鑑字汝明嘉靖末年進士累官稽勳郎中念父老謝病歸奉養不離側父歿久之進尚寶卿改南京鴻臚卿引年乞休進太僕卿致仕鑑亦善畫有言勝其父者遂終身不復作

按無錫縣志王問字子裕別字仲山生九歲能文章嘉靖十一年舉禮部謁歸越六年戊戌始應廷對賜

進士除戶部主事監稅徐州還南京兵部南京額設馬快船七百八十餘艘歲修役卒四千有奇有坐累自殺者問白尚書官為捐造留都至今頌之時邊事甚亟預籍武健應募而厚其廩食比罷歸實尚有餘或請追之問曰人則弗靳其死以往返而官奪其餘他日朝廷更下尺檄誰復至者問官南曹迎其父澤澤不欲行而命問書三十扇扇各一詩自朔至晦日持其一以代子之侍於前也此擢廣東瀕行父愴然有離別之色問內自悲循其裾而歎久之曰我終不能為溫太真矣行至桐江乃賦詩十二投劾而歸既歸日暮未嘗去父左右父意所向無所不至及沒遂

不復有仕進意退居縣南寶界山環植花竹疏流泉輦奇石擅湖山臺榭之勝問工詩善書畫天下士大夫既高其行而望之若不可即遂益重其翰墨購而藏之問嘗自言願屏居三十年盡讀天下書著述以畢志強仕歸田卒行其意也子鑑

按列朝詩集問子鑑舉進士以武定州守遷稽勳郎

問趣令之官鑑月日為治裝計故為事失期要諸父

老故人前謝問問乃聽之亦用清望官至太僕卿

岳岱

按明外史本傳岱字東伯先世以武功官蘇州衛遂家焉至岱父始好讀書闢草堂於陽山去汴市數里花木翳然修竹萬挺岱嘉隱其中自稱秦餘山人中年北游恆岱還覽留都名勝歷探匡廬天姥天台雁宕武夷之奇遂不復出性狷介不妄交人能詩亦善畫所作詠懷九十六篇為時所稱

顧元慶

按明外史本傳元慶字大有家近汴市其昆弟咸織膏治生元慶獨好詩書自經史以至叢說多所纂述所居在大石山麓因自號大石山人藏書數千卷擇其善者刊之署曰陽山顧氏文房年七十餘猶吟誦不倦

鄭瑛

按明外史本傳鄭瑛字仁寶仁和人也幼孤長為諸生不屑治科舉業獨好古學會多病遂無意仕進督學憲司猶欲推輓之卒謝不出家故餘財自奉母外悉以購書置生產不問賞日以落瑛無所顧惜乃敵大屋列高几危坐諷誦其中抉剔幽眇辨古今同異

得失而著為書有識者咸服一時監司大吏若顧璘王尚綱萬潮輩咸與交名籍甚而瑛性侃直言議不能阿貴人亦時扼腕論天下事奉母孝兩刲股愈其疾幼時兩姊婿利其賞謀危之百方後死皆棺斂之所著詩文若干卷訂正孝經大學格物傳各一卷萃忠錄二卷青史衰鉞六十卷七修類彙五十五卷並為學者所稱

楊廉

按南昌郡乘廉字方震豐城人崇之子成化丁酉解元丁未登進士第改庶吉士除刑科給事中以便養請改南京戶科歷兵科孝宗朝薦張元禎吳寬李東陽王鏊宜備日講又請清查後湖冊及言薛瑄宜建祠祀春秋仍刻其讀書錄以風六館諸生諸疏皆見施行太監李廣死得其籍朝士多以賄及者或請勿竟其事廉首劾屠冢宰白司寇以下一時憚之勸經筵進講宜用大學衍義并議刊定條例所建白皆中國家大體陞南京光祿少卿正德間累遷順天府尹先是軍興所需車輻派取於民廉奏以帑金雇募民賴以甦釐各官馬夫銀於均徭使不得多取定陵戶貧富撥補之法使不得影射俱著為令適水旱蝗災奏免夏稅一萬七千餘石民尤德之尋擢南京禮部右侍郎上廟議謂太祖宜於合祭正南向之位章下所司及駕幸南京傳旨令百官戎服廉奏臣僚冠服宜如朝儀更請謁太廟從之世宗嗣位拜南京禮部尚書八疏致仕始得允賜馳驛歸卒諡文恪廉為伊洛之學文章根本六經而多所自得尤究心世務論議具有本末所著太極圖纂洪範纂要國朝名臣言

行錄理學名臣錄及月湖集諸書行世羅文莊洪先稱其旁搜博取窮深反約名實相副爲醇儒云

夏子陽

按江西通志子陽字鶴田玉山人由進士擢兵科給諫奉命冊封琉球陞太常寺卿文集中有琉球錄所載山川風俗物產人民及所經屬國錯雜成文亦海國奇觀也

韓邦靖

按列朝詩集邦靖字汝慶陝西朝邑人南京兵部尚書邦奇字汝節之弟也汝慶生三歲能哦詩百餘首十四舉鄉試二十一與汝節同舉正德三年進士爲工部都水司員外郎乾清宮災詔求直言汝慶上言朝政不修盤游無度狎近羣儉閉塞諫諍百度乖違閭閻流散危亂之形已成社稷之憂方大上震怒繫錦衣獄奪官爲民家居八年起爲山西布政司叅議嘉靖二年三十六以病自劾歸歸四月而卒汝節奇倬倜儻譚理學負經濟海內稱苑洛先生以地震死汝慶才藻爛發風節凜然關中至今稱二韓子汝節爲汝慶立傳而謂其友樊恕夫曰世安有司馬遷關漢卿之輩能爲吾寫吾思弟痛弟之情乎王敬夫曰五泉子古詞歌浸淫唐初逼漢魏七言絕句詩類少陵朝邑志其文章之宏麗者

王元正

按陝西通志元正字舜卿元凱弟正德辛未進士授翰林庶吉士補檢討武宗幸宣大述五子之歌諷諫請旋蹕不報世宗時會議大禮謫戍四川茂州即事介胄射騎將士咸服其能每贊畫征勦賴以生全者

甚衆暇則教學感茂及鄆濯經生無不變且化者元正外和內剛直方不同自幼至老手不釋卷爲文宏博典則尤長於詩賦格韻清遠有盛唐人風所著有四川總志威茂通志玉堂集玉壘集四樂同聲諸書初號三溪後成茂更號玉壘故世稱玉壘先生云

南大吉

按陝西通志大吉字元善渭南人正德中進士歷官戶部主事少穎敏以古文鳴世入仕尙古講學爲羣僚所推十庫宦官以惡金充寶典大吉折以法謝罪易之在部所蒞有聲出守紹興肇造稽山書院萃屬邑髦士教之久獄不能決者一鞠即得其情屬吏有被誣停官者特爲昭雪運河爲勢家所侵疏而復之郡有大盜數爲權要所庇悉錐死有學士侵王右軍謝太傅故地悉割歸其主竟由是罷歸構澮水書院教四方來學者成就甚多名位多隆大吉文行名世與人和而有容當官任事屹然有執著有瑞泉集紹興志渭南縣志按列朝詩集元善字伯子存考

顧清

按列朝詩集清字士廉華亭人弘治壬子舉南京鄉薦第一考官王濟之批其文曰昔歐陽子謂當讓蘇子瞻一頭地斯人是也癸丑試禮部第二選翰林庶吉士李賓之爲館師得其指授益有名於時授編修進侍讀實錄成進秩逆瑾惡之降編修尋調南車駕員外瑾誅還侍讀進少詹世廟嗣統會議迎駕冊立諸大禮援古衷今多所救正忌者借他事撫拾因自引退復起南京禮部侍郎進本部尙書致仕諡文僖有東江集行世公於詩清新婉麗深得長沙衣鉢正

嘉之際獨存正始之音今人以其不爲何李輩所推不復過而問焉斯所謂耳食者也

王潼

按浙江通志潼字本澄錢塘人幼嗜學讀朱子語錄遂無制舉業之志聞陽明先生講道稽山負笈往從先生嘉其篤志命輔其子仲蕭爲學配任氏卒時潼年甫三十六歲任有淑行不再娶性好遊歷齊魯燕趙工繪畫善諷味其過太行詩有客中秋過半山外晉全分之句於陰符經程張諸書皆有註

陳文學

按貴州通志文學字宗魯貴陽人究心理學少事陽明先生正德丙子鄉舉知耀州調簡不赴旋里杜門不預世事靜對聖賢或臨古帖或與客談詩論文隨意所適恬如也自耀歸日者言歲將不利乃預作五粟先生誌五粟其號也後二十餘年始疾客問之對曰別矣善自愛客去危坐而逝所著有耀歸存藥餘曆續藥癩移閒錄

桂榮

按江西通志榮字君用上饒人以舉人歷官至監察御史按部四川摘發如神自日至暮斷獄百宗立釋疑獄數十人一省以爲神智善詩歌古文辭有詩刻一卷行世

曾鐸

按列朝詩集鐸字振之景陵人弘治十五年進士第一人改翰林庶吉士爲李長沙所重以編修使安南歷國子監司業祭酒請告家居嘉靖初刑部尙書林俊疏薦請如孝宗朝用謝鐸故事推卿佐者五皆不

起卒贈禮部侍郎諡文恪振之沉潛問學杜門斂跡焚香危坐日夜讀書屢起屢歸執持名節爲翰苑師儒之官誠無愧焉有蓮北使交東廂諸集

施侃

按浙江通志侃字邦直歸安人少穎悟不羣長而肆力於學經史之餘凡陰陽律呂兵術奇祕無不鉤勘有得輒書於冊爲古文雄渾深懋詩先氣格意典清遠與山人孫太初游其詩才亦相當嘉靖丙戌舉進士卒於京邸有菁山集藏於家

楊易

按福建通志易建安人正德進士歷官戶部員外郎嘉靖議大禮易與同官爭之廷杖尋遷雲南副使博雅好古著有嘉會詩稿石雲困學集

楊晉亨

按福建通志晉亨建安人博極羣書凡先儒奧旨皆有發明爲督學宗臣所知著有文集若干卷

謝丰

按福建通志丰歐寧人嘉靖舉人知信宜縣天資穎發好學工書所著有六虛樓詩支行世

吳中立

按福建通志中立字公度浦城人進士疏乞歸養父歿當就選喟然曰古人爲親而祿今祿不逮親矣遂絕意仕進以著述爲事結廬武彝著有易銓古今奇鏡奇藏諸書

童品

按金華府志品字廷式號慎齋與楓山齊名成化甲辰貢於學丙午舉南畿又十年丙辰始登第或勸之

減年通籍曰吾早學而晚達命也敢爲欺乎初授南武庫主事再遷武選員外郎武庫頗有羨餘同官以啞庫諷之公不可取忤僚友不計也有指揮詭以文憑失水求之任侍郎力庇之公力爭聲色俱厲尚書解之曰童員外義理勇也居官與楊廉邵寶蔡清葉釗余祐相友善僅兩考遂引年致仕家居十九年以讀書喪明貧不自振而卒著有周易羽義春秋經傳辨疑禮記大旨正義發微含章子集金華文獻錄若干卷

許成名

按山東通志成名字思仁聊城人早歲穎異困諸生中嘗著論見志正德辛未舉進士第四人選翰林庶吉士累試哀然居首賦禁中春曉詩藝林傳誦授編修歷論德進侍讀學士嘉靖初上重文學之選命輔臣擇有才望者遂推成名陞太常寺卿掌國子監祭酒禮部左侍郎前後爲講官十年纂修武宗實錄大明會典文典麗宏偉詩工近體

俞琳

按江西通志琳字聲甫信豐人夙負奇穎自諸生時已爲海內名卿鉅公所賞識就廣文亦伉於遇生平好古嗜學自少至老雖隆冬酷暑一卷不釋人咸目爲元晏先生云

吳惠

按浙江通志惠字仁甫鄞人少孤備嘗茶苦文章輒越流輩弘治中領鄉薦入國學羅欽順試權者聖人大用論大嘆賞正德六年舉進士由庶吉士陞國子司業侍經筵日講多所啓沃勸世宗省無益之費停

得已之役明日勅令輔臣問旨惠一一具上大見開納改南京太常寺卿病卒著有經筵講義北川文集

張琦

按寧波府志琦字君玉號白齋自幼穎異年十二能屬對作詩人語客試者輒應聲出爲長老所異家貧游學吳楚間讀書每至夜分倦甚則與其徒相喾以水復讀如故爲舉子業直寫胃臆不類時人語故亦久不售弘治十二年始第進士時年已及艾矣授南大理評事歷寺副寺正應因多所平反有爲偏章者三人罪論死琦廉其狀曰以竹布四邊中畫字成文非刻印也遂從末減司獄官以事落職貧甚至鬻幼女作歸費琦即捐俸千金與之女得免鬻兩薦山西雲南督學使不果陞福建興化知府簡易清靜與學校正風俗有古良吏風監司累上治狀竟以疾力乞骸骨陞本省左叅政致仕歸里二十年日以林泉雲鳥爲樂作詩力去陳言務極幽遠雖一草一木必欲抄出象外乃已莆田林貞肅公極推服之爲序其集以傳論者謂甬上詩人有明三百年間以琦爲第一蓋篤論云

朱睦㮮

按河南通志睦㮮字灌甫周藩鎮平恭靖王四世孫生而端穎李獻吉一見即奇之受經學六經悉通大義讀秦漢以來諸家經解所發明多得之於世儒箋註之外尤精於易春秋博通古今有至性事父母甚孝居喪不入內寢先世遺產盡予諸弟自奉儉樸若儒生卒年七十所著有河南通志

敖英

按江西通志英字子發號東谷清江人正德庚辰進士授南工部主事遷祠部郎中出督學河南歷任藩臬所至聲望著聞以四川右布政使致仕英在當時盛有詩名人稱之爲敖清江自爲督學慨然以力崇師道典起文教爲任正色盛氣人不敢干以私惟與羅洪先鄒守益善講學相資獎掖後進里居十餘年著述日富有綠雪亭心遠堂等集

景陽

按江寧府志陽字伯時上元人年數歲隨其父官廣州劉大夏見其文異之曰此子方爲國器正德戊辰舉進士第二人除翰林編修時逆瑾亂政陵轍朝士見者屏氣陽獨弗阿每當進講必越宿齋沐覲有感悟在館職九年遷國子司業以資當晉侍讀梁儲曰成均士子師範非君不可六館諸生人人以爲得師二年改左中允管南京國子監司業事南方士習競便利有請囑者一切謝絕士習稍正辛巳以母憂去位甲申起復方就道染疾旬日而卒陽清介過甚居官如布衣時坦易溫直望之知其爲有養者性篤孝義初母目盲百計莫療陽旦夕禱於神一日雙眸炯然舊疾如失有姊早寡奉與母居爲嫁娶其子女友人張貢見陽女欲與婚未聘貢尋卒陽哭曰曩吾心已許之忍負亡友乎召其子妻之鄉人莫不多其事卒時年方四十九識者共惋惜之

謝承舉 任德

卷

按列朝詩集承舉字子象初名璿字文卿夢神授以今名八歲賦暮秋詩有紫塞風寒鴈叫霜之句儲柴墟在南考功引與同社累十舉不第退耕園門之南自號野全子顧華玉志野全墓云成弘間之詩李西涯主清婉尚才情陳白沙主沈雅莊定山主渾雄並尚理致金陵有二才子曰謝子象徐子仁凌詩苑陶治其模廓謝得其雄徐得其婉然徐之學西涯與謝之學白沙皆虎賁之似中郎耳子少南自有集子象有游寺詩云春雨洗山諸寺近秋花熏夢一樓空集中如此句絕少

按江寧府志謝承舉字子象上元人父知府芳有孝行承舉八歲賦詩有紫塞風寒鴈叫霜之句人以神童目之長益博洽風雅爲文豪宕如奔流掣電書法米蘇棄舉子業自放於山水間每與客縱談古今詞鋒發一座皆傾酒酣賦述引筆疾書輒盡數紙服則出遊諸寺談空習靜翛然塵表與任德友善德字仲修文學高古博雅能詩時又稱任謝云承舉子少南登嘉靖壬辰進士傳其家學

沈仕

按浙江通志仕字懋學侍郎銳少子弱冠有才名一夕夢遊青門山念邵平隱於此嘆曰吾其隱乎遂棄去舉子業芒屨野服自稱青門山人工書畫援筆揮灑風神氣韻絕勝顧門每遇嘉山水或古蹟必慷慨賦詩以去嘉靖中客京師京師諸貴人前日竊聞公子善賦願以請仕立就數千言詞旨豐腴一座盡傾明日贈遺累千金仕卽以給貧交一揮而盡晚年資繪畫自給意所不當者雖貴介重賁不爲動王慎中

序其集行世七十餘卒

王漸達

按廣東通志漸達字用儀番禺人父傳爲泰州學正祿俸悉以濟貧比卒室如懸磬母謂漸達曰貧至此兒欲以讀書佐食何異藝石田濟榜也漸達泣曰見力不任農圃巧不任工商惟勸學足代耕耳乃苦志鑽研弱冠登正德丁丑進士授刑部主事未幾請告侍養以臺省薦起刑曹條陳四事言極剴切人皆危之而書留中不報再疏乞歸與銀臺叅議倫以諒相得甚歡爲物外之遊諸名勝無不足跡達登第三十年貧如故以諒歲周之尚書霍韜亦重其爲人嘗曰予生平莫逆交惟王用儀梁日孚耳漸達多著述有水記正學記四書邇言學庸釋略讀經記春秋集傳嶺南耆彥傳王氏宗禮青蘿集行於世隆慶初卹建言諸臣贈漸達光祿少卿子原相登進士歷江西按察使

倫以訓

按廣東通志以訓字彥式南海人文叙次子自幼穎悟絕人稍長通六經于史百家無不閱覽正德癸酉鄉試第六人時年十六丁父憂丁丑會試擢第一廷試第二授翰林院編修予告畢婚侍母養七年癸未復出供職乙酉纂修武宗實錄成晉修撰賜白金文綺己丑壬辰預考會試充經筵講官甲午進右春坊右諭德主試南畿所取多名士丙申出爲南京國子監祭酒毅然以斯道爲己任士習一時丕變迎母就養官邸母一日忽思歸卽疏請奉母還粵人多其孝平生儉約雅淡不植私黨不苟取于家居未嘗干當

塗以私熟於朝廷典章有問者條答不遺其發爲文詞意暢神適非人所能及壬辰會試文質一策究竟古今循環之迹而變通以道上大獎異後建崇賢殿蓋取其意云所著詩文八十卷國朝彙編二百卷庚子丁內艱服闋四年而卒年四十有八未究厥用士林惜之

王詠

按列朝詩集詠字舜夫白水人正德丁丑進士除工部主事改刑部員外遷按察使僉事鎮宣府引疾歸卒年三十六舜夫風神散朗負氣任俠有高才而無貴仕故多煩促噍殺之音五言隱秀時可尋味七言專力學杜古體多率易而乖音節今體無纏綿而乏神理然其視關中同時許伯誠馬仲房之倫則已超乘而上矣詩曰彭衙集目正德戊寅逮嘉靖丙戌纔九年所作近千六百篇漢東顏木爲序

貢欽

按宣城縣志欽字元禮少穎異書過目不忘妻楊氏佐夫勤讀每夕共檠女紅約膏殘就寢伺欽出潛增檠膏成化庚子欽領應天鄉試第一同榜公讌多列聲伎各攜筵筵間索解元贈詩欽揮酒無難色衆服其敏給甲辰登進士歷官文選郎掌選事最久丰儀頗偉觀者屬目世宗出郊諸官蒲伏欽身獨長上疑其立詞之因呼爲長官兄仕順德知府欽詩文不加深造才情豪蕩足耀一時長沙李東陽嘗有秋水芙蓉之目

貢汝成

按宣城縣志汝成字玉甫鏞之子領正德癸酉鄉薦

汝成生而早慧費產市古今書蒐冥不遺餘力以博洽與旌德梅鶚齊稱而汝成尤探極理蘊文密而藻贈而法寧程古未至不求合於末俗嘉靖初上勅大典禮汝成預修祀儀成典及獻郊廟賦並賜金帛已授翰林待詔預校錄諸經史上復古治策十五事凡三萬七千餘言章聖太后喪兩疏請復三年制不報尋卒於官著有三禮纂註郊廟賦南陽略保傳補和齋集湖涯二稿燕市吹劍集杜機子瀛海集等書貴溪夏相言嘗爲人擊節稱貢王甫真海內博雅學者云

宋訥

按揚州府志訥字存仁實應人成化丁酉舉於鄉授鄭縣令鄭有權貴人爭事之訥獨與抗裁抑其家以是中傷調長陽移江陵歷三邑皆著惠政丁母憂歸遂不起少以燕詩得名詩云三月巢乾雞未成茅堂來往日營營說殘午夢千聲巧剪破春愁兩尾輕宮柳陰濃金鎖合水芹香細綠波晴畫欄十二無人倚一半梨花一半鶯有江陵集二卷行世

王磐

按揚州府志磐字鴻漸高郵人家富好學襟期瀟灑少爲諸生厭其拘攣棄之構樓於城西僻地坐臥其間著西樓樂府工題贈善諧謔與金陵陳大聲並爲南曲之冠詩律流麗有西樓集嘉靖初李夢陽就晉京口故自矜重元夕飲文裏一清宅磐短衣下坐夢陽傲不爲禮磐分賦得老人燈口占云形骸憔悴不堪描還自心頭火未消自分不知年老大也隨兒女開元宵夢陽心知其嘲嘿然而罷能畫長於寫意評

者謂爲天機獨到

陳鐸

按列朝詩集鐸字大聲下邳人家於金陵雖寧伯文之曾孫都督政之孫以世襲官指揮風流儒儻以樂府名於世所爲散套穩協流麗被之絲竹審官節羽不差毫末居第之南有秋碧軒七一居精潔絕塵通人勝流過從談讌山水傲沈啓南自爲詩題其上人知大聲善樂府不知其能畫又不知其工於詩也成化中江陰卜華伯序其香月亭詩以爲用意和平不務雕刻深入虞楊范揭之闢奧而漸登盛唐作者之階梯廣陵張佐曰大聲屏純綺之習耽於吟咏其於經傳子史百家九流莫不貫穿嘗見可齋樂府有甲乙交叉之句出於瑤琤子消息賦非但求爲押韻而拾此成語貫之詞意不加雕琢非所蘊淵博能爾哉周暉金陵遺事載其齋居詩云晚樹低分齋春雲淡隔城夜行云山月巧窺人影瘦夜涼先向客衣生送毛都督云刁斗夜嚴山月冷旌旗晴散夜雲平皆可誦也又有景卿字夢弼善小景花草自寫杏花題一絕句甚佳今白下無知之者矣

張綬

按列朝詩集綬字世文高郵人正德癸酉舉人八上春官不第謁選爲武昌通判遷知光州罷歸少從東西樓游刻意填詞每填一篇必求合某官某詞某調第幾聲其聲出入第幾犯抗堅圓美必求合作著詩餘圖譜詞家以爲指南喜作豔體詩有南湖集四卷又按張綬係王磐婿

吳景奎

按浙江通志景奎字文可好爲詩常遊山澤間方苦吟而雨至雨濡其衣弗知也所著集曰葯房樵唱

王汝霖

按陝西通志汝霖字九谷華陰人性篤孝友博學有文名避跡華山之麓以詩賦自娛嘉靖登極詔求隱逸有司累薦不起臺府高其節贈扁旌廬著有松隱漫稿草木靈異錄

馬江

按陝西通志江字文淵三原人隱居讀書事其父靖川鉅細中禮教授弟子以千計賦詩豪敏驚座呂文簡稱其有君子之道焉

黃如籥

按陝西通志如籥咸寧人高才能文章善聲律隱於終南山自謂太乙逸叟

宋佳

按寧波府志佳字子美成化十九年領鄉薦會試中副榜吏部侍郎宜與徐溥欲得佳士爲其邑教諭詢於學士楊守陳遂以佳用啓迪後進務盡其誠弘治二年聘典河南鄉試尋改江西永新踰九年考天下第一擢五經博士正德改元駕幸太學獻聖駕臨雍賦賜白金文綺賦勒石國學前擢國子監丞出爲徽府長史歷事簡王莊王盡心輔導王特加敬禮在藩邸二十七年上疏乞休者七每疏上王爲墮淚辛苦留屢加至正三品服俸卒於官佳性至孝母歿三年不茹葷飲酒家貧力學博通經史砥礪行檢爲一鄉坊表歷官五十年置田僅十四畝年八十餘卒

夏鏞

按列朝詩集鏞字德樹天台人成化丁未進士除南京大理評事懇疏乞終養居鄉砥礪名節游沐詩文年八十三詩名赤城集

沈弘道

按紹興府志弘道字伯元會稽人正德間進士授刑部主事決獄稱平嘗憫囚久繫作囹圄賦讀者悲之武宗將南巡道上書抗止遂被譴迨世宗入繼大統首陳治道八事會丁內艱去服闋進員外郎繼遷福建僉事卒於官家居時絕無私謁惟鄉邦利病所關則侃侃言之既議革平水關抽分又議開上窰河有司獨加敬禮言無不從且又念其貧欲周之乃令所擬死大豪石某者能致道書則免死豪憚道謀於道子伺道出陳所賂千金於几冀以動之道歸問所從來遽唾去豪竟杖死其清操不愧屋漏如此生平好學航述作所著有樵問洪範八十一廓太元論凡凡論冲穆藁問其家不存云藏於舊主人平湖陸氏

俞集

按紹興府志集字汝成新昌人正德中進士初知長洲首除羨餘千餘兩誌稱其節愛多惠政召拜御史屢抗疏彈擊權倖已而巡按河南平黠寇恤饑民諸所經畫皆有稱於時集爲人鯁介磊落卒之日家無私藏其風節可表於鄉邦云所著有西行贅錄隨筆錄中州巡稿奏議雜稿旗峰詩集

董瀚

按寧波府志瀚字宗理銳之子也領正德十一年鄉薦嘉靖中授知費縣費俗里正歲率民錢爲令費瀚怫然却之蝗爲災瀚發廩弛征省愆剔蠹蝗入於水

有同產訟者母右幼而誣長以逆瀚廉得其情論以孝慈民泣謝焚祠而去居八月以父喪歸行李蕭然尋得羸疾竟不起年四十七瀚性好學多讀書嘗謂近世文弊已極由永樂至弘治作者不脫舉業李夢陽紹述先秦雄視千古不免摹擬史漢學之者遂流爲剽竊通者黃省曾專學六朝散亂之言淺夫轉相效習不復成語文妖作崇正氣始銷非特古文治及舉業更贍以短更顯以晦夫文以明理爲主君子特立獨行通塞不變而文逐時好弗主於理則其所守可知而世道從可下矣又嘗謂言爲心聲字爲心畫今世號能書者徒以側鋒取妍而不知隱鋒折波之法其弊猶文而已識者以爲定論

孫大晟

按寧波府志大晟字揚明郡諸生爲學探奇索幽以博洽稱嘗賦海曙樓爲太守蔡貴易所賞勒之於石製雪月風花四賦儀部屠隆爲之下拜所著有半樓襍集若干卷

陳叔紹

按列朝詩集叔紹名振以字行閩縣人精春秋學少無宦情不就司辟劉忠愍與其兄叔剛善勸之仕補博士弟子員年三十矣正德十年舉進士選監察御史陞廣東副使叔紹有孝行母病嘗糞以驗差劇閩人至今稱之

林炫

按福建通志炫字貞孚尚書庭梧子正德甲戌進士授禮部主事炫才識通敏爲詩文富麗敏捷早得時譽嘉靖初以議大禮忤執政廢於家益肆力文章與

邑人袁達張萬里廣和人爭傳誦之後起官至通政司參議卒子世璧自有傳

高澂

按明外史本傳澂字宗呂侯官人早善屬詞不樂進士業嘗言文章章合比偶猶留鬚眉以傳脂粉無足學也遂絕意進取結霞上之居自號石門子又號霞居士善詩工隸草八分畫亦臻逸品家貧嗜酒日酣飲狂叫貴遊造之迫而後見畫不輕作醉時投以練素欣然揮灑與閩縣傳汝舟遊鄭善夫之門並有名時人爲之語曰高垂腹傳脫粟言斷斷中歌曲善夫且死囑以詩文妻子

按列朝詩集澂字宗呂侯官人父鑑字孔明明經爲學官退而結庵以老工水墨山水自號種蘭道人宗呂不樂進士業結霞上之居自號霞居士善隸草八分書畫居逸品家貧嗜酒日酣飲狂叫醉甚即散髮赤脚又號鬚仙子詩與傳汝舟齊名時稱高傳畫自取適意不受促迫遇其酣暢以絹素投之雖小夫稚子可掩而得也邑子宋生者病瘧宗呂過之酒酣潑墨寫菊數本復寫奇石修竹寒香飄拂涼風颯然宋躍起視之病霍然良已人謂霞仙畫真不減少陵詩也宗呂詩有集在閩中余從晉安風雅錄得一首

傳汝舟

按列朝詩集汝舟字本虛一名丹號丁戌山人一曰磊老候官人方穎碧目小指有四印文年十四誦黃帝姚姬之書一十謝諸生通天官堪輿涅槃老莊學盤雅秦漢語古色蒼勁至不可句少與高澂並遊鄭繼之之門閩人語曰高垂腹傳脫粟言斷斷中歌曲

繼之且死遺言曰詩文妻子付高傳二弟經理其氣誼如此中歲好神仙增損其姓名曰傳汝舟輕別妻挈棕輟箸登求仙訪道徧遊吳會荆湘齊魯河雒之間王道思序其集曰汝舟才智文采足以得意於仕進獨舍去而不好其舍之盡至於鄉井屋廬不復可居而妻子不足畜也舉一世之榮利無足好而區區吟咏之工不能忘亦其才志所斂不可終藏而見之於此也王元美詩評曰傳汝舟如言法華作風語凡多聖少徐典公曰汝舟詩雖師鄭吏部而天然之趣尤勝如雖貧一榻能高臥縱老名山欲遠尋焚香謾與僧來往得句惟應弟倡酬郊原亂後飛磷火村落年來變劫灰異書自得作者意長劍不借時人看呼來鷗鷺添新侶拋去鸛鷺省舊糧新點玉書仙賜讀舊趨瓊闥帝容歸等句吏部當爲却步矣

傳汝楫

按列朝詩集汝楫字木剡汝舟之弟也貧而博學州縣辟爲贊官弟子不就一意詩歌時稱二傳汝楫早卒詩學晚唐如野人臥酒翻荷爵山鬼縫衣傍荔牆又如少際學書尋鳥跡林間會意解禽言又如幾處姓名留洞府十年瓢笠任風煙皆佳句也

楊希淳

按江南通志希淳字道南上元人年十四督學胡象岡試孔子惜繁縷論詞辨川湧意爲宿學及見其幼更異之遣就海虞錢有威學因得師唐中丞順之皆忘年敬禮之館於梁溪華學士家嘗贈金百兩弗受比歸潛置其書囊中道南登舟檢書見之卒同舟力却而去耿天臺督學南來聞其名試以學莫先乎立

志論因相與講明聖學人以方程伯淳云

沈朝陽

按江南通志朝陽江寧人明經授池州教授著通鑑紀事前編嘉隆間見紀

汪衢

按列朝詩集衢字世亨縱酒玩世博學能詩不事冥搜每見天趣若梅花枝上層句可稱奇有祖徵君敬詩名重於天順間則知世亨之詩爲宗派矣徵君詩有如今聞到無聞處不愛孤雲不愛僧不徒以詩人評之

吳中英

按江南通志中英字純甫崑山人人生而奇穎好讀書父爲置書千卷考論質辨多先儒所未發嘉靖辛卯舉鄉薦年且老矣營城東地藝橘千株鬻以自給書法遒勁奇崛類其爲人所著有東臯集

周錫

按江南通志錫字子純太倉人以貢至京時大僚應制作青詞錫有文名交致代草因擬薦留閣下錫賦烹茶詩寓意而歸蕭然著述者三十年年八十預刻時日作歌而逝

章美中

按江南通志章美中字道華常熟人九歲能屬文嘉靖丁未進士仕至廣西副使身後家無餘財惟圖書數篋子士雅萬曆己丑進士知嘉善縣有惠政歷官工部郎中父子皆能詩會孫在茲字素文喜交遊有文名以明經考授縣令未仕而卒弟靜宜亦能文與兄齊名早卒

梁鳴鑾

按江南通志鳴鑾字九章崑山人耽嗜史籍嘗做古論贊體作史四十卷嘉靖中以歲薦為黃岡教諭課率諸生讀史不輟其所著書歸太僕為序

陸治

按江南通志治字叔平世居包山性穎朗工經義好為古文辭尤善繪事所寫山水點染花鳥竹石號稱名家居支硎滌園種花人購其畫如珍寶不得以利動意有所許即與之

顧璣

按松江府志璣字東曙華亭人博學能詩其弔橫雲山詩曰圓堂千載寄崇阿石馬無聲墓草多故里尚傳前代事浮萍應落逝川波野人夜黑偷金盃山鬼天寒泣翠蘿莫問人間興與廢夕陽回首自悲歌顧文傳以呈李文正公公曰不意山林乃有此作同時戚韶王良佐張冕吳爰高企等十餘人相倡和並為時所重

戚韶

按松江府志韶字龍淵好古博雅與王良佐張冕並以詩名意氣豪邁其詩亦若燕趙奇士矯抗自信與孫文簡公初不深識作二詩送之北上文簡深銘之韶之沒也為刻其詩以示掛劍之義

張武

按松江府志武字德勇飭躬力學授徒自給潘恭定恩其門人也以貢謁選霍少宰輯奇其文署名第三當得府推官武雅不樂刑名請以師儒自効遂授弋陽王府教授上保祚箴鑒古錄深見嘉納尋懇疏引

歸監司交檄挽留不得諸宗室相率贈遺一無所受歸而脩然一室唯以著述為事所著有城南稿讀史漫筆

黃標

按松江府志標字良玉上海人藏書甚富繙閱無間寒暑叩之如指諸掌為陸文裕甥文裕臨文有疑義必屬標攷覈與人談經濟鑒鑒可行輯古今說海一百四十二卷選陸文裕集一百卷所著有書經異同二十二卷縣志稿十卷俱燬於倭惟戊己庚子二稿尚存

謝九成

按江南通志九成字仁峰繁昌人嘉靖丙戌進士嚴氣正性人不敢干以私任吏部員外與冢宰某抵牾投劾歸杜門著書廣搜祕笈持議一本醇正著有綱目前紀經史管見

黃道月

按江南通志道月合肥人進士官中書舍人丰神俊朗穎異超羣為文慕司馬長卿詩效李青蓮

湯珍

按列朝詩集珍字子重長洲人與王履吉兄弟讀書石湖治平寺凡十五年為前輩蔡林屋文衡山所推重衡山二子及彭年皆出其門年四十餘應歲貢除崇德縣丞故詩稱迪功集子重家有雙梧堂嘉靖癸未林屋北行與吳耀大明衡山二王宴別於此霜月交白不能為情子重命工圖六人之像衡山補景而林屋為之記石湖有五賢祠祀文湯二王而益以唐子畏吳人至今以為美談云

嚴鐸

按江南通志鐸字元振包山人少為文有驚人語值倭亂鐸奮然曰吾母年七十聞兵至可乎因策於軍門請兵守要害寇從西來鐸候其半渡擊之獲軍輜鎧甲無算傍湖諸境得不被兵皆鐸一戰力也上其功奉旨銓叙鐸詣闕乞養歸與二三文士放情山水絕口不談世務賦詩自娛

龍映

按江南通志映字仲光望江人嘉靖間明經除北京東城兵馬陞湖廣穀城令偉貌宏辯以詞賦雄一時翰林朱大韶遊映門輯其稿題曰兩山集時邑志欠缺重為纂修太守邑大夫咸奉為鄉獻

陸采

按列朝詩集采字子元給事中子餘之弟都少卿元敬之壻也少為校官弟子不屑守章句年十九作玉仙客無雙傳奇子餘助成之曲既成集吳門老教師精音律者逐腔改定然後妙選梨園子弟登場教演期盡善而後出性豪蕩不羈困於場屋日夜與所善客劇飲歌呼東登泰岱賦游仙三章南踰嶺嶠游武夷諸山年四十而卒

施漸

按列朝詩集漸字子羽無錫人以諸生歲貢授海鹽縣丞尋罷去歸老蠡川田舍子羽穉年從從父之官平樂過楚絕行詩有云巴雲青洞庭鄧水寒夢澤又有千里月明來楚峽五更猿斷憶巴城桃花浪闊三江水楊柳絲長百尺樓之句邵文莊激賞之曰風雅之流也平生安貧樂志為詩不務浮華刻意磨洗評

者以爲如春竹積雪寒松浮翠又如寒鴉數點流水孤村其卒也華學士爲詩哭之云憐君家徒四壁立中歲罷官常不給生前獨行殊寡諧歿後遺文更誰輯蓋其詩與其人約略相似云

方元煥

按列朝詩集元煥字子文臨清人嘉靖甲午鄉貢以行草擅名山東王元美以爲疎野粗放備諸惡道署書稍勝亦無佛處稱尊中立載其歌行一卷大都豪放亦類其書

薛蕙

按列朝詩集蕙字君采亳州人正德甲戌進士授刑部主事病免起改吏部驗封主事歷員外陞考功司郎中嘉靖改元大禮議起援據經傳撰爲人後解爲人後辨凡數萬言入奏下詔獄尋得貴復職給事中陳洗補外中道上書議禮得召見言事盡擊異議者毫守顏木得罪誣奏木君采同年守其鄉疑有姦利有詔勒停聽理已而事白屢薦堅臥不出東官立將以坊臣召用而已前卒矣年五十三君采生三月見芒神連呼芒郎家人驚怪沃冷水止之年十二以能詩聞王廷相謫判亳州激賞之曰可繼何李後之論者亦曰弘嘉之際三君鼎立然君采爲詩溫雅麗密有王孟之風嘗與楊用修論詩曰近日作者摹擬蹈襲致有拆洗少陵生吞子美之謔求近性情無若古調則君采之意尚未肯屑隨仲默而況於獻吉乎貌癯氣清行已峻潔屏居西原陂魚養花著書樂道自守泊如也晚歲有得於二氏元宗之旨註老子以自見唐應德極稱之

按鳳陽府志薛蕙字君采七歲習舉子業十二以能詩名題鄰舍二教圖有云斯道有三教聖心無二天識者占其不凡正德癸酉計偕入京與信陽何景明爲莫逆明年成進士授刑部主事武宗南幸抗疏力爭衆危之蕙不爲動尋調吏部太宰喬宇以攷功甄別之司責大且繁以蕙任之嘉靖初大禮議起蕙撰爲人後辨奏之下獄既詔令復職以母艱歸遂絕意仕進營廬舍以自適題曰退樂馬中丞易之曰常樂構亭於中喬太宰題之曰瑩心沉酣典籍淹貫百家詩文爲藝文宗匠後乃刊落繁華潛心性命以慎獨爲要以居敬爲務不知者但目之爲詩人著有約言西原集老子集解五經雜錄

蔣山卿

按列朝詩集山卿字子雲儀真人正德甲戌進士授工部主事諫南巡拜杖謫南京前府都事嘉靖改元復官歷刑部郎中出知河南府改潯州再改南寧時有詔討思田土官岑猛調度軍興以功進廣西參政總督林富雅重其才略擬以方鎮擢用竟坐讒言罷其詩集自序謂髫年學詩弱冠渡江見東吳顧吏部寶應朱戶曹教以讀漢魏晉宋唐人之詩年二十九舉進士始與同年亳州薛蕙研工古作顧華玉序其詩以爲天才溢發可歌可感使將來者見之則凡餽餉其字雕刻其文艱深其思拗曲其體不發於情而併氣格音節亡之者皆可恨然省矣以其時考之子雲之詩發源於金陵成就於亳州主於學唐不爲勦杜其亦生於北郡之後而不墮其雲霧者與

相世芳

按山西通志世芳安邑人正德甲戌進士歷官刑部郎中沉毅質直不苟言笑博極羣書爲文雄邁詩辭豪逸嘉靖甲申廷議大禮衆論移日世芳毅然抗疏直諫略無避諱傳爲首者衆衆驚惶無措世芳恬不動色以身當之旋廷杖幾斃謫戍延安慨然行伍凡十三年詔還終身無怨言隆慶初追贈太常寺少卿子邦教舉人

汪必東

按湖廣通志必東字希會崇陽人正德辛未進士官禮部議大禮廷杖瀕死尋少參廣西至河南參政東遠於經史生平不喜談象山學能爲古文辭所著有南雋文集易問大旨

吳檄

按列朝詩集檄字皖山桐城人嘉靖己丑進士兵部武選郎中湖廣參議李開先游海定詩序云嘉靖乙未三月王遵岩謫判毗陵武選吳皖山檄呂江峰高熊南沙過翰林唐荆川順之陳後岡東禮部張少室元孝李克齋遂及予共八人餞之海定望日出阜城門至則荒涼殊甚蓋張昌國以癸巳罹禍已三年矣亭臺傾圮惟水聲潺潺不異舊時酒酣賦詩皖山先成意高詞雅不減唐之名家次日夏桂州遂劾張李二司屬無事慢遊下獄未久七人相次罷謫皖山幸而獨免詩卷歸予手事如隔世而人多下世愴然作序不惟感諸友之易消歇而且歎大臣之善傾陷也嘉靖初海定之獄與蘇子美諸人監院飲酒之事大略相似貴溪特寵枝橫一至於此西市之禍豈不幸哉伯華記此事有關於國論故詳著之

徐霖

按列朝詩集霖字子仁其先姑蘇人徙金陵七歲能詩九歲能大書操筆成體善畫松竹花草蕉石長而踞蹠自放謝去學官弟子精研六書嘗得篆法于異人李長沙見之曰此周伯溫之流吾不及也築快園于城東極游觀聲伎之樂善製小令填南北詞皆入律棋酒之暇命伶童侍女被其新聲都人競傳而歌之武帝南巡伶人臧賢進其詞翰召見行宮試除夕詩百韻及應制詞曲皆立就雅俗雜陳語多諷諫上屢稱善嘗午夜乘月幸其家夫婦蒼黃出拜上命置酒家無供具以蔬笋鮭菜進御上大喜爲之引滿酣暢而去已而數幸其家御晚靜閣垂釣得一金魚宦官爭買之上大笑失足落池中袞衣沾濕快園中有宸幸堂浴龍池紀其遇也賜飛魚服扈從還京每夜宿御榻前與上同臥起將授官禁近固辭會上賓而罷歸里二十餘年乃卒年七十有七子仁少時雅從沈啓南游江夏吳偉寫徐沈二高士行樂圖楊君謙祝希哲爲贊文徵仲寄詩曰樂府新傳桃葉句彩毫徧寫薛濤箋其爲名流傾慕如此及其自應召罷歸世廟繼立威武近幸及待詔公車者皆逮治坐罪而子仁獨超然無所連染天下高之以謂吳生之題目庶無愧焉

袁崇冕

按濟南府志崇冕章丘人兄弟咸用科第起家而崇冕獨以布衣終崇冕富才情善金元詞曲所著春遊秋懷與夫南北諸小令異曲同工幾奪金元諸名家之座關中王漢陂冀北楊方城與邑人李仲麓嘗稱

道不置其爲名士所賞識如此又有謝九容布衣嘗著樂府二卷

左國瓊

按列朝詩集國瓊字舜齊祥符人李獻吉之妻弟也嗜酒落拓不甚攻舉子業年幾四十始舉於鄉累上不第竟病酒卒西亭中尉灌甫舜齊之門人也收其詩得三百餘首黃河水云國瓊詩敏捷昔有下筆成章之科斯其人矣但長於用才短於用思進而求之恐其易盡王元美常見獻吉與袁永之手書極言國瓊猜忌之狀云此人尚爾何况邊李邊即尚書廷實也獻吉有妙子曰曹嘉字仲禮舉進士選庶吉士以言事出補府推官召復監察御史又以言事下獄謫判茂州累遷山西布政使嘉亦有才名好鬪無禮所至人畏而避之獻吉晚年爲嘉所扼良苦

田汝棟

按列朝詩集汝棟字深甫祥符人遊于李空同之間與左國瓊齊名人呼爲田左少領鄉薦十三試春官不第乃謁選官終兵部司務性不閑拘繫晚登仕途常快快不快意南陽李袁序其詩而刻之

王廷相

按列朝詩集廷相字子衡儀封人弘治壬戌進士改庶吉士授兵科給事中以言事謫判亳州召拜監察御史巡按陝西以鎮守廖變誣奏下獄再謫贛榆縣丞稍遷寧國府同知歷四川按察使拜副都御史巡撫四川入爲兵部侍郎都察院左都御史進兵部尚書提督團營仍掌院事加太子太保罷歸卒年七十餘有家藏集行世子衡起何李之後凌厲馳騁欲與

並駕齊驅與郭介夫論詩謂三百篇此與雜出意在辭表離騷引喻借論不露本情而以北征南山諸篇爲詩人之變體騷壇之旁軌其托寄亦高且遠矣其序李空同集則云杜子美雖云大家要自成己格爾元稹稱其薄風雅吞曹劉固知其溢言矣其視空同規尚古始無所不極當何以云信斯言也秦漢以來掩蔽前賢牢籠百代獨空同一人乎微之之推少陵爲溢言而子衡之推空同乃篤論乎子衡盛稱何李以謂侵謨匹雅欲騷儷選遐追周漢俛視六朝近代詞人尊今卑古大言不慙未有甚于子衡者嘉靖七子此風彌煽微吾長夜鞭弭中原今有識者掩口失笑實子衡導其前路也子衡五七言古詩才情可觀而摹擬失真與其論詩頗相反今體詩殊無解會七言尤爲笨濁於以驂乘何李爲之後勁斯無愧矣

孟洋

按列朝詩集洋字望之信陽人弘治乙丑進士除行人選爲御史嘉靖初張桂驟貴抗疏論劾下詔獄謫桂林教授遷知汶上縣歷升僉事參政拜僉都御史巡撫寧夏改理河道終南京大理寺卿望之爲何仲默之妹婿爲行人時仲默與李獻吉崔子鍾王子衡田動甫切劘爲文章時稱十才子而望之亦與焉有集十七卷子衡刻之吳中遂盛傳於世望之同里有戴仲鵬樊少南者與仲默後先起家望之輩行稍前而戴樊出於何門要皆依附仲默以起名者也三人之詩格調亦略相似大抵皆信陽之朋徒如北地曹左之流耳

羅燾

按列朝詩集肅字元溥金陵人以歲貢授光澤縣主簿有集二卷玉泉陳鳳落花唱和詩序云吾鄉羅淵泉氏自髫年卽好聲律旁蓄羣籍牙籤滿架偶得石田翁落花詩憑几酬和得二十首玉岑王子懷荃楊子江東文士也亦次韻屬和焉元溥晚過東山寺云聞鐘知寺近逢鹿覺山深宿高座寺云月來半榻寒松影風送滿山秋葉聲爲集中各句

楊穀

按列朝詩集穀字惟五上元尹以役困其父兄穀往訴之尹心輕之以衣巾生員爲題令其作詩穀援筆成詩有草中射虎心猶在天上屠龍事已非之句尹改容謝焉穀有宿大城山莊云隔樹林穿暮披榛徑轉微又云敗壁青苔應帶雨寒潭碧水似澄霜皆佳句也

樊鵬

按汝寧府志鵬字少南信陽人登嘉靖丙戌進士授安州知州多惠政遷南京戶部員外郎轉工部郎中疏請終養不許尋陞陝西按察使事備兵固原禦邊有功受白金彩幣之賜以母憂歸服闋卒於家無嗣有所著樊氏集十二卷傳於世鵬嘗游何仲默邊庭實之門而與孟望之唐應德輩爲詩文友故其談詩卓有所見如編初唐詩曰詩自刪後漢魏古詩爲近漢魏後六朝滋盛然風斯靡矣初唐無古詩而律詩興律詩興而古詩勢不得不廢又與康德涵書言初唐詩如春園未放之花含蓄渾厚生意勃勃盛唐則淘洗條理而生意稍薄矣近日海內名家自許古人而乏溫柔敦厚之旨少含蓄渾成之趣所以然者孜

孜於杜未嘗引而上之也夫杜亦詩之變體折中於古風斯爲下今人守其繩墨不離尺寸云云世以爲知言

欽定古今圖書集成理學彙編文學典
第一百四卷目錄

文學名家列傳九十二

明十四

張治道	周宇
王鶴	李汝蘭
周祚	徐沆
徐應秋	程諤
鄭作	鄭鯨
江瓘	馬汝驥
王尚綱	周廷用
李景陽	華愛
許陞	左鑑
謝少南	陳建
簡紹芳	賈惟孝
吳繼	易鸞 弘器
楊以正	張含
張合	黃鳳翔
董難	安磐
冷珂	王春
陳宗虞	謝東山
木公	宋昂
宋昱	陳鶴
王養端	董份
溫應祿	陳言
殷仲春	彭輅
郁袞	陳揆

沈如封	鍾繼元
丘雲霄	朱成文
丘秉文 徐觀淵	吳紳
陳騰鸞	葉權
曹大章	鄒仁卿
何文熙	吳芊
陳永年	陳公綸
采九德 士英	李天植
俞汝言	蔡宗堯
朱翊鉅 胡歷	龍大有
周思久	沈瀛
范鍾	萬楷
蔣信	孫艾 七歌
周詩	施峻
趙廷松	吳子孝
鄧韜	羅虞臣
李化龍	張騰霄
尹耕	王三接
呂陽	喬世寧
張文泰	何永達
李聯芳	郭郭
王之士	張光孝
喻時	蘇祐
黃禎	馮惟健
馮惟敏	靳學顏
劉乾	耿隨朝
劉堯卿	

文學典第一百四卷

文學名家列傳九十二

明十四

張治道

按列朝詩集治道字孟獨一字時徹長安人正德甲戌進士知長垣縣遷刑部主事與部僚薛蕙胡侍劉儲秀爲詩社都下號西翰林以病乞歸歸二年當考察以御史論罷年纔三十餘與康德涵王敬夫邀游終南鄠杜間唱和無虛日德涵沒孟獨輯其遺文且爲之序極詆弘治之詩以爲關巧爭能無沒先進競一韻之艱爭一字之巧上唱下和一趨百隨天厭其弊驚生濬哲李倡其詩康振其文前失作者後啓英明非橫制頽波筆泰造化者與關隴之士附北地而排長沙黨同伐異不惜公是未有如孟獨之力者也人言孟獨較德涵詩多取其佳者掩爲己有今所傳太微集殊寥寥無聞近體詩學杜捧心效顰不勝其醜則竊缺之疑亦不待辨而明矣

周宇

按陝西通志宇字子大西安左衛人嘉靖己酉舉人授安慶推官陞戶部主事奉勅督理山西三關政聲茂著尋以疾歸博雅不羣精識古文奇字工詩文善臨池有槐村集字學啓蒙以子傳誦第進士官叅政封河南左叅政

王鶴

按陝西通志鶴字子阜長安人嘉靖中進士由行人改工科給事中歷官應天府尹博學宏詞爲關中文獻著有皇華集行世